


大般涅槃經

第四

百七二  
連四

47997



元祿九年丙子二月日重脩

皇國聖國 帝曆銀呂

佛日增輝 機谷輪常轉

山城州天安寺法金剛院置

藏



大般涅槃經卷第四

迹

北涼天竺三藏曇無讖奉詔譯

大般涅槃經名字功德品第三

爾時如來復告迦葉善男子汝今應當善持是經文字章句所有功德若有善男子善女人聞是經名生四趣者無有是處何以故如是經典乃是無量無邊諸佛之所脩習所得功德我今當說迦葉菩薩白佛言世尊當何名此經菩薩摩訶薩云何奉持佛告迦葉是經名為大般涅槃上語亦善中語亦善下語亦善義味深邃其文亦善純備具足清淨梵行金剛寶藏滿足無缺汝今善聽我今當說善男子所言大者名之



為常如八大河悉歸大海此經如是降伏一切  
諸結煩惱及諸魔性然後要於大般涅槃放捨  
身命是故名曰大般涅槃善男子又如醫師有  
一秘方悉攝一切所有醫方善男子如來亦爾  
所說種種妙法秘密深奧藏門悉皆入於大般  
涅槃是故名為大般涅槃善男子譬如農夫春  
月下種常有希望既收果實眾望都息善男子  
一切眾生亦復如是脩學餘經常希滋味若得  
聞是大般涅槃希望諸經所有滋味悉皆永斷  
是大涅槃能令眾生度諸有流善男子如諸跡  
中象跡為最此經如是於諸經三昧最為第一  
善男子譬如耕田秋耕為勝此經如是諸經中



勝善男子如諸藥中醍醐第一善治衆生熱惱  
亂心是大涅槃爲最第一善男子譬如酥八  
味具足大般涅槃亦復如是八味具足云何爲  
八一者常二者恒三者安四者清涼五者不老  
六者不死七者無垢八者快樂是爲八味具足  
八味是故名爲大般涅槃若諸菩薩摩訶薩  
安住是中復能處處示現涅槃是以故名爲大般  
涅槃迦葉善男子善女人若欲於此大般涅槃  
而涅槃者當如是學如來常住法僧亦然迦葉  
菩薩復白佛言甚竒世尊如來功德不可思議  
法僧亦爾不可思議是大涅槃亦不可思議若  
有脩學是經典者得正法門能爲良醫若未學

者當知是人盲無慧眼無明所覆  
大般涅槃經如來性品第四之一  
佛復告迦葉善男子菩薩摩訶薩分別開示大  
般涅槃有四相義何等爲四一者自正二者正  
他三者能隨問答四者善解因緣義云何自正  
若佛如來見諸因緣而有所說辭如比丘見大  
火聚便作是言我寧抱是熾然火聚終不敢於  
如來所說十二部經及祕密藏謗言云是波旬  
所說若言如來法僧無常如是說者爲自侵欺  
亦欺於人寧以利刀自斷其舌終不說言如來  
法僧是無常也若聞他說亦不信受於此說者  
應生憐愍如來法僧不可思議應如是持自觀



已身猶如火聚是名自正云何正他佛說法時  
有一女人乳養嬰兒來詣佛所稽首佛足有所  
顧念心自思惟便坐一面爾時世尊知而故問  
汝以愛念多哈兒酥不知籌量銷與不銷爾時  
女人即白佛言甚竒世尊善能知我心中所念  
唯願如來教我多少世尊我於今晨多與兒酥  
恐不能銷將無夭壽唯願如來爲我解說佛言  
汝兒所食尋即銷化增益壽命女人聞已心大  
踊躍復作是言如來實說故我歡喜世尊如是  
爲欲調伏諸衆生故善能分別說銷不銷亦說  
諸法無我無常若佛世尊先說常者受化之徒  
當言此法與外道同即便捨去復告女人若以

長大能自行來凡所食噉能銷難銷本所與酥  
則不供足我之所有聲聞弟子亦復如是如汝  
嬰兒不能銷是常住之法是故我先說苦無常  
若我聲聞諸弟子等功德已備堪任脩習大乘  
經典我於是經爲說六味云何六味說苦酢味  
無常鹹味無我苦味樂如恬味我如辛味常如  
淡味彼世間中有三種味所謂無常無我無樂  
煩惱爲薪智慧爲火以是因緣成涅槃飯謂常  
樂我今諸弟子悉皆甘嗜復告女人汝若有緣  
欲至他處應駈惡子今出其舍悉以寶藏付示  
善子女人白佛實如聖教珍寶之藏應示善子  
不示惡子姊我亦如是般涅槃時如來微密無



上法藏不與聲聞諸弟子等如汝寶藏不示惡  
子要當付囑諸菩薩等如汝寶藏委付善子何  
以故聲聞弟子生變異想謂佛如來真實滅度  
然我真實不滅度也如汝遠行未還之頃汝之  
惡子便言汝死汝實不死諸菩薩等說言如來  
常不變易如汝善子不言汝死以是義故我以  
無上祕密之藏付諸菩薩善男子若有衆生謂  
佛常住不變異者當知是家則爲有佛是名正  
他云何能隨問荅者若有人來問佛世尊我當  
云何不捨錢財而得名爲大施檀越佛言若有  
沙門婆羅門等少欲知足不受不畜不淨物者  
當施其人奴婢僕使脩梵行者施與女人斷酒

肉者施以酒肉不過中食施過中食不著華香  
施以華香如是施者施名流布徧至他方財寶  
之費不失毫釐是則名爲能隨問荅爾時迦葉  
菩薩白佛言世尊食肉之人不應施肉何以故  
我見不食肉者有大功德佛讚迦葉善哉善哉  
汝今乃能善知我意護去<sub>去</sub>子<sub>子</sub>菩薩應當如是善<sub>善</sub>  
子從今日始不聽聲聞弟子食肉若受檀越信  
施之時應觀是食如子肉想迦葉菩薩復白佛  
言世尊云何如來不聽食肉善男子夫食肉者  
斷大慈種迦葉又言如來何故先聽比丘食三  
種淨肉迦葉是三種淨肉隨事漸制迦葉菩薩  
復白佛言世尊何因緣故十種不淨乃至九種



清淨而復不聽佛告迦葉亦是因事漸次而制  
當知即是現斷肉義迦葉菩薩復白佛言云何  
如來稱讚魚肉爲美食耶善男子我亦不說魚  
肉之屬爲美食也我說甘蔗粳米石蜜一切穀  
麥及黑石蜜乳酪酥油以爲美食雖說應畜種  
種衣服所應畜者要是壞色何況貪著是魚肉  
味迦葉復言如來若制不食肉者彼五種味乳  
酪酪漿生酥熟酥胡麻油等及諸衣服憍奢耶  
衣珂貝皮革金銀于盂器如是等物亦不應畜善  
男子不應同彼尼乾所見如來所制一切禁戒  
各有異意異意故聽食三種淨肉異想故斷十  
種肉異想故一切悉斷及自死者迦葉我從今

日制諸弟子不得復食一切肉也迦葉其食肉者若行若住若坐若卧一切衆生聞其肉氣悉生恐怖譬如有人近師子已衆人見之聞師子鼻亦生恐怖善男子如人噉蒜鼻穢可惡餘人見之聞鼻捨去設遠見者猶不欲視況當近之諸食肉者亦復如是是一切衆生聞其肉氣悉皆恐怖生畏死想水陸空行有命之類悉捨之走咸言此人是我等怨是故菩薩不習食肉爲度衆生示現食肉雖現食之其實不食善男子如是菩薩清淨之食猶尚不食況當食肉善男子我涅槃後無量百歲四道聖人悉復涅槃正法滅後於像法中當有比丘似像持律少讀誦經



貪嗜飲食長養其身身所被服麤陋醜惡形容  
顛顛無有威德放畜牛羊擔負薪草頭鬚髮爪  
悉皆長利雖服袈裟猶如獵師細視徐行如貓  
伺鼠常唱是言我得羅漢多諸病苦眠卧糞穢  
外現賢善內懷貪嫉如受啞法婆羅門等實非  
沙門現沙門像邪見熾盛誹謗正法如是等人  
破壞如來所制戒律正行威儀說解脫果雜不  
淨法及壞甚深祕密之教各自隨意反說經律  
而作是言如來皆聽我等食肉自生此論言是  
佛說互共諍訟各自稱是沙門釋子善男子爾  
時復有諸沙門等貯聚生穀受取魚肉手自作  
食執持油瓶寶蓋革屣親近國王大臣長者占

相星宿勤脩醫道畜養奴婢金銀琉璃車渠瑪瑙頗梨眞珠珊瑚琥珀璧玉珂貝種種果蓏學諸伎藝畫師泥作造書教學種植根莖盡道呪幻和合諸藥作倡伎樂香華治身擣搗園基學諸工巧若有比丘能離如是諸惡事者當說是人眞我弟子爾時迦葉復白佛言世尊諸比丘比丘尼優婆塞優婆夷因他而活若乞食時得雜肉食云何得食應清淨法佛言迦葉當以水洗令與肉別然後乃食若其食器爲肉所汚但使無味聽用無罪若見食中多有肉者則不應受一切現肉悉不應食食者得罪我今唱是斷肉之制若廣說者則不可盡涅槃時到是故略



說是則名爲能隨問荅迦葉云何善解因緣義  
如有四部之衆來問我言世尊如是之義如來  
初出何故不爲波斯匿王說是法門深妙之義  
或時說深或時說淺或名爲犯或名不犯云何  
名墮云何名律云何名波羅提木又義佛言波  
羅提木又者名爲知足成就威儀無所受畜亦  
名淨命墮者名四惡趣又復墮者墮於地獄乃  
至阿鼻論其遲速過於暴雨聞者驚怖堅持禁  
戒不犯威儀脩習知足不受一切不淨之物又  
復墮者長養地獄畜生餓鬼以是諸義故名曰  
墮波羅提木又者離身口意不善邪業律者入  
戒威儀深經善義遮受一切不淨之物及不淨

因緣亦遮四重十三僧殘二不定法三十捨墮  
九十一墮四悔過法衆多學法七滅諍等或有  
人盡破一切戒云何一切謂四重法乃至七滅  
諍法或復有人誹謗正法甚深經典及一闡提  
具足成就盡一切相無有因緣如是等人自言  
我是聰明利智輕重之罪悉皆覆藏覆藏諸惡  
如龜藏六如是衆罪長夜不悔以不悔故日夜  
增長是諸比丘所犯衆罪終不發露是使所犯  
遂復滋蔓是故如來知是事已漸次而制不得  
一時爾時有善男子善女人白佛言世尊如來  
久知如是之事何不先制將無世尊欲令衆生  
入阿鼻獄譬如多人欲至他方迷失正路隨逐



邪道是諸人等不知迷故皆謂是道復不見人  
可問是非衆生如是迷於佛法不見正真如來  
應爲先說正道勅諸比丘此是犯戒此是持戒  
當如是制何以故如來正覺是真實者知見正  
道唯有如來天中之天能說十善增上功德及  
其義味是故啓請應先制戒佛言善男子若言  
如來能爲衆生宣說十善增上功德是則如來  
視諸衆生如羅睺羅云何難言將無世尊欲令  
衆生入於地獄我見一人有愴阿鼻地獄因緣  
尚爲是人住世一劫若減一劫我於衆生有大  
慈悲何緣當誑如子想者今入地獄善男子如  
王國內有納衣者見衣有孔然後方補如來亦

爾見諸衆生有入阿鼻地獄因緣即以戒善而  
爲補之善男子譬如轉輪聖王先爲衆生說十  
善法其後漸漸有行惡者王即隨事漸漸而斷  
斷諸惡已然後自行聖王之法善男子我亦如  
是雖有所說不得先制要因比丘漸行非法然  
後方乃隨事制之樂法衆生隨教脩行如是等  
衆乃能得見如來法身如轉輪王所有輪寶不  
可思議如來亦爾不可思議法僧二寶亦不可  
思議能說法者及聞法者皆不可思議是名善  
解因緣義也菩薩如是分別開示四種相義是  
名大乘大涅槃中因緣義也復次自正者所謂  
得是大般涅槃正他者我爲比丘說言如來常



存不變隨問答者迦葉因汝所問故得廣爲菩薩摩訶薩比丘比丘尼優婆塞優婆夷說是甚深微妙義理因緣義者聲聞緣覺不解如是甚深之義不聞伊字三點而成解脫涅槃摩訶般若成秘密藏我今於此闡揚分別爲諸聲聞開發慧眼假使有人作如是言如是四事云何爲一非虛妄耶即應反質是虛空無所有不動無礙如是四事有何等異是豈得名爲虛妄乎不也世尊如是諸句即是一義所謂空義自正正他能隨問答解因緣義亦復如是即大涅槃等無有異佛告迦葉若有善男子善女人作如是言如來無常云何當知是無常也如佛所言滅

諸煩惱名爲涅槃猶如火滅悉無所有滅諸煩惱亦復如是故名涅槃云何如來爲常住法不變易也如佛言曰離諸有者乃名涅槃是涅槃中無有諸有云何如來爲常住法不變易也如衣壞盡不名爲物涅槃亦爾滅諸煩惱不名爲物云何如來爲常住法不變易也如佛言曰離欲寂滅名曰涅槃如人斬首則無有首離欲寂滅亦復如是空無所有故名涅槃云何如來爲常住法不變易也如佛言曰

譬如熱鐵 椎打星流 散已尋滅 莫知所在  
得正解脫 亦復如是 已度淫欲 諸有淤泥  
得無動處 不知所至



云何如來爲常住法不變易耶迦葉若有人作如是難者名爲邪難迦葉汝亦不應作是憶想謂如來性是滅盡也迦葉滅煩惱者不名爲物何以故永畢竟故是故名常是句寂靜爲無有上滅盡諸相無有遺餘是句鮮白常住無退是故涅槃名曰常住如來亦爾常住無變言星流者謂煩惱也散已尋滅莫知所在者謂諸如來煩惱滅已不在五趣是故如來是常住法無有變易復次迦葉諸佛所師所謂法也是故如來恭敬供養以法常故諸佛亦常迦葉菩薩復白佛言若煩惱火滅如來亦滅是則如來無常住處如彼迸鐵赤色滅已莫知所至如來煩惱亦

復如是滅無所至又如彼鐵熱與赤色滅已無  
有如來亦爾滅已無常滅煩惱火便入涅槃當  
知如來即是無常善男子所言鐵者名諸凡夫  
凡夫之人雖滅煩惱滅已復生故名無常如來  
不爾滅已不生是故名常迦葉復言如鐵色滅  
已還置火中赤色復生如來若爾應還生結若  
結還生即是無常佛言迦葉汝今不應作如是  
言如來無常何以故如來是常善男子如彼然  
木滅已有灰煩惱滅已便有涅槃壞衣斬首破  
瓶等喻亦復如是如是等物各有名字名曰壞  
衣斬首破瓶迦葉如鐵冷已可使還熱如來不  
爾斷煩惱已畢竟清涼煩惱熾火更不復生迦



棄當知無量衆生猶如彼鐵我以無漏智慧熾  
火燒彼衆生諸煩惱結迦葉復言善哉善哉我  
今諦知如來所說諸佛是常佛言迦葉譬如聖  
王素在後宮或時遊觀在於後園王雖不在諸  
姝女中亦不得言聖王命終善男子如來亦爾  
雖不現於閻浮提界入涅槃中不名無常如來  
出於無量煩惱入于涅槃安樂之處遊諸覺華  
歡娛受樂迦葉復問如佛言曰我以久度煩惱  
大海若佛已度煩惱海者何緣復共耶輸陀羅  
生羅睺羅以是因緣當知如來未度煩惱諸結  
大海唯願如來說其因緣佛告迦葉汝不應言  
如來久度煩惱大海何緣復共耶輸陀羅生羅

眼羅以是因緣當知如來未度煩惱諸結大海  
善男子是大涅槃能建大義汝等今當至心諦  
聽廣爲人說莫生驚疑若有菩薩摩訶薩住大  
涅槃須彌山王如是高廣悉能令入亭歷子槍  
其諸衆生依須彌者亦無迫迮無往來想如本  
不異唯應度者見是菩薩以須彌山內亭歷槍  
復還安止本所住處善男子復有菩薩摩訶薩  
住大涅槃能以三千大千世界置亭歷槍其中  
衆生亦無迫迮及往來想如本不異唯應度者  
見是菩薩以此三千大千世界置亭歷槍復還  
安止本所住處善男子復有菩薩摩訶薩住大  
涅槃能以三千大千世界內一毛孔乃至本處



亦復如是善男子復有菩薩摩訶薩住太涅槃  
斷取十方三千大千諸佛世界置於針鋒如貫  
粟棗擲著他方異佛世界其中所有一切衆生  
不覺往返爲在何處唯應度者乃能見之乃至  
本處亦復如是善男子復有菩薩摩訶薩住大  
涅槃斷取十方三千大千諸佛世界置於右掌  
如陶家輪擲置他方微塵世界無一衆生有往  
來想唯應度者乃見之耳乃至本處亦復如是  
善男子復有菩薩摩訶薩住大涅槃斷取一切  
十方無量諸佛世界悉內己身其中衆生悉無  
迫迮亦無往返及住處想唯應度者乃能見之  
乃至本處亦復如是善男子復有菩薩摩訶薩

住大涅槃以十方世界內一塵中其中衆生亦無迫迤往返之想唯應度者乃能見之乃至本處亦復如是善男子是菩薩摩訶薩住大涅槃則能示現種種無量神通變化是故名曰大般涅槃是菩薩摩訶薩所可示現如是無量神通變化一切衆生無能測量汝今云何能知如來習近淫欲生羅睺羅善男子我已久住是大涅槃種種示現神通變化於此三千大千世界百億日月百億閻浮提種種示現如首楞嚴經中廣說我於三千大千世界或閻浮提示現涅槃亦不畢竟取於涅槃或閻浮提示入母胎令其父母生我子想而我此身畢竟不從淫欲和合



而得生也。我已久從無量劫來離於愛欲。我今此身即是法身。隨順世間。示現入胎。善男子。此閻浮提林微尼園。示現從母摩耶而生。生已。即能東行七步。唱如是言。我於人天阿脩羅中最尊最上。父母人天見已。驚喜。生希有心。而諸人等謂是嬰兒。而我此身無量劫來久離。是法如來身者。即是法身。非是肉血筋脉骨髓之所成。立隨順世間衆生法。故示爲嬰兒。南行七步。示現欲爲無量衆生作上福田。西行七步。示現生盡永斷老死。是最後身。北行七步。示現已度諸有生死。東行七步。示爲衆生而作導首。四維七步。示現斷滅種種煩惱。四魔種性。成於如來應。

正徧知上行七步示現不爲不淨之物之所染  
汙猶如虛空下行七步示現法雨滅地獄火令  
彼衆生受安隱樂毀禁戒者示作霜雹於閻浮  
提生七日已又示剃髮諸人皆謂我是嬰兒初  
始剃髮一切人天魔王波旬沙門婆羅門無有  
能見我頂相者況有持刀臨之剃髮若有持刀  
至我頂者無有是處我久已於無量劫中剃除  
鬚髮爲欲隨順世間法故示現剃髮我旣生已  
父母將我入天寺中以我示於摩醯首羅摩醯  
首羅即見我時合掌恭敬立在一面我久於  
無量劫中捨離如是入天寺法爲欲隨順世間  
法故示現如是我於閻浮示現穿耳一切衆生



實無有能穿我耳者隨順世間衆生法故示現  
如是復以諸寶作師子璫用莊嚴耳然我已於  
無量劫中離莊嚴具爲欲隨順世間法故作是  
示現示入學堂脩學書疏然我已於無量劫中  
具足成就徧觀三界所有衆生無有堪任爲我  
師者爲欲隨順世間法故示入學堂故名如來  
應正徧知習學乘象繫馬捐力種種伎藝亦復  
如是於閻浮提而復示現爲王太子衆生皆見  
我爲太子於五欲中歡娛受樂然我已於無量  
劫中捨離如是五欲之樂爲欲隨順世間法故  
示如是相相師占我若不出家當爲轉輪聖王  
王閻浮提一切衆生皆信是言然我已於無量

劫中捨轉輪位爲法輪王於閻浮提現離姝女  
五欲之樂見老病死及沙門已出家脩道衆生  
皆謂悉達太子初始出家然我已於無量劫中  
出家學道隨順世法故示如是我於閻浮提示  
現出家受具足戒精勤脩道得須陀洹果斯陀  
含果阿那含果阿羅漢果衆人皆謂是阿羅漢  
果易得不難然我已於無量劫中成阿羅漢果  
爲欲度脫諸衆生故坐於道場菩提樹下以草  
爲座摧伏衆魔衆皆謂我始於道場菩提樹下  
降伏魔官然我已於無量劫中久降伏已爲欲  
降伏剛強衆生故現是化我又示現大小便利  
出息入息衆皆謂我有大小便利出息入息然



我是身所得果報悉無如是大小便利出入息  
等隨順世間故示如是我又示現受人信施然  
我是身都無飢渴隨順世法故示如是我又示  
同諸衆生故現有睡眠然我已於無量劫中具  
足無上深妙智慧遠離三有進止威儀頭痛腹  
痛背痛木鏘洗足洗手洗面漱口嚼楊枝等衆  
皆謂我有如是事然我此身都無此事手足清  
淨猶如蓮華口氣淨潔如優鉢羅香一切衆生  
謂我是人我實非人我又示現受糞埽衣浣濯  
縫打然我久已不須是衣衆人皆謂羅睺羅者  
是我之子輸頭檀王是我之父摩耶夫人是我  
之母處在世間受諸快樂離如是事出家學道

衆人復言是王太子瞿曇大姓遠離世樂求出  
世法然我久離世間淫欲如是等事悉是示現  
一切衆生成謂是人然我實非善男子我雖在  
此閻浮提中數數示現入於涅槃然我實不畢  
竟涅槃而諸衆生皆謂如來真實滅盡而如來  
性實不永滅是故當知是常住法不變易法善  
男子大涅槃者即是諸佛如來法界我又示現  
閻浮提中出於世間衆生皆謂我始成佛然我  
已於無量劫中所作已辦隨順世法故復示現  
於閻浮提初出成佛我又示現於閻浮提不持  
禁戒犯四重罪衆人皆見謂我實犯然我已於  
無量劫中堅持禁戒無有漏缺我又示現於閻



浮提爲一闍提衆人皆見是一闍提然我實非  
一闍提也一闍提者云何能成阿耨多羅三藐  
三菩提我又示現於閻浮提破和合僧衆生皆  
謂我是破僧我觀人天無有能破和合僧者我  
又示現於閻浮提護持正法衆人皆謂我是護  
法悉生驚怪諸佛法爾不應驚怪我又示現於  
閻浮提爲魔波旬衆人皆謂我是波旬然我久  
於無量劫中離於魔事清淨無染猶如蓮華我  
又示現於閻浮提女身成佛衆人皆言甚竒女  
人能成阿耨多羅三藐三菩提如來畢竟不受  
女身爲欲調伏無量衆生故現女像憐愍一切  
諸衆生故而復示現種種色像我又示現閻浮

提中生於四趣然我久已斷諸趣因以業因故  
墮于四趣爲度衆生故生是中我又示現閻浮  
提中作梵天王今事梵者安住正法然我實非  
而諸衆生成皆謂我爲真梵天示現天像徧諸  
天廟亦復如是我又示現於閻浮提入淫女舍  
然我實無貪欲之想清淨不汙猶如蓮華爲諸  
貪淫嗜色衆生於四衢道宣說妙法然我實無  
欲穢之心衆人謂我守護女人我又示現於閻  
浮提入青衣舍爲教諸婢令住正法然我實無  
如是惡業墮在青衣我又示現閻浮提中而作  
博士爲教童蒙令住正法我又示現於閻浮提  
入諸酒會博奕之處示受種種勝負鬪諍爲欲



拔濟彼諸衆生而我實無如是惡業而諸衆生  
皆謂我作如是之業我又示現久住久間作大  
鷲身度諸飛鳥而諸衆生皆謂我是真實鷲  
身然我久已離於是業爲欲度彼諸鳥鷲故示  
如是身我又示現閻浮提中作大長者爲欲安  
立無量衆生住於正法又復示作諸王大臣王  
子輔相於是衆中各爲第一爲脩正法故住王  
位我又示現閻浮提中疫病劫起多有衆生爲  
病所惱先施醫藥然後爲說微妙正法令其安  
住無上菩提衆人皆謂是病劫起又復示現閻  
浮提中飢餓劫起隨其所須供給飲食然後爲  
說微妙正法令其安住無上菩提又復示現閻

浮提中刀兵劫起即爲說法令離怨害使得安  
住無上菩提又復示現爲計常者說無常想計  
樂想者爲說苦想計我想者說無我想計淨想  
者說不淨想若有衆生貪著三界即爲說法令  
離是處度衆生故爲說無上微妙法藥爲斷一  
切煩惱樹故種植無上法藥之樹爲欲拔濟諸  
外道故說於正法雖復示現爲衆生師而心初  
無衆生師想爲欲拔濟諸下賤故現入其中而  
爲說法非是惡業受是身也如來正覺如是安  
住於大涅槃是故名爲常住無變如閻浮提東  
弗于逮西瞿耶尼北鬱單越亦復如是如四天  
下三千大千世界亦爾二十五有如首楞嚴經



中廣說以是故名大般涅槃。若有善菩薩摩訶薩  
安住如是。大般涅槃。能示如是神通變化。而無  
所畏。迦葉以是緣故。汝不應言羅睺羅者是佛  
之子。何以故。我於往昔無量劫中。已離欲。有是  
故。如來名曰常住。無有變易。迦葉復言。如來云  
何名曰常住。如佛言曰。如燈滅已。無有方所。如  
來亦爾。既滅度已。亦無方所。佛言。迦葉。善男子。  
汝今不應作如是言。燈滅盡已。無有方所。如來  
亦爾。既滅度已。無有方所。善男子。譬如男女。然  
燈之時。燈爐大小悉滿。中油隨有。油在其明。猶  
存若油盡已。明亦俱盡。其明滅者。喻煩惱滅。明  
雖滅盡。燈爐猶存。如來亦爾。煩惱雖滅。法身常

存善男子於意云何明與燈爐爲俱滅不迦葉  
荅言不也世尊雖不俱滅然是無常若以法身  
喻燈爐者燈爐無常法身亦爾應是無常善男  
子汝今不應作如是難如世間言器如來世尊  
無上法器彼器無常非如來也一切法中涅槃  
爲常如來體之故名爲常復次善男子言燈滅  
者即是羅漢所證涅槃以滅貪愛諸煩惱故喻  
之燈滅阿那含者名曰有貪以有貪故不得說  
言同於燈滅是故我昔覆相說言喻如燈滅非  
大涅槃同於燈滅阿那含者非數數來又不還  
來二十五有更不受於臭身蟲身食身毒身是  
則名爲阿那含也若更受身名爲那含不受身



者名阿那含有去來者名曰那含無去來者名  
阿那含

大般涅槃經卷第四

遠 車透切

甜 徒兼切

酥 蘇音

哈 含聲

酢 昨醋二音

嗜 神視切

蹇 里之切

耶 以遮切

邪 似嗟切

酪 落音

憍 嬌音

奢 武車切

噉 淡音

蒜 筭音

臭 尺救切

被 去聲

鱓 昨魚切

頽 秦醉切

貓 莫交切

伺 私寺切

啞 烏馬切

貯 張呂切

屣 踈紫切

菰 郎尺切

栽 宰才切

蠱 古音

倡 昌音

擄 丑除切

蒲 薄胡切

匿 女力切

暴 薄報切

蔓 万音

椎 直追切

淤 依倨切

迸 百孟切

糒 苦外切

迫 百音

迮 相鬲切

隨 息委切

電 蒲角切

璫 當音

掬 角音

鑿  
切七羊


糞  
切芳問

滌  
切胡管

濯  
濁音

縫  
逢音

度  
音



猪飼長治寄附



